

古典文學 第三名 溫仲斌

個人簡介：臺灣師範大學國文學系碩士班一年級

香港僑生，曾獲第36屆中興湖文學獎全國徵文比賽古典文學類第二名、第34屆中興湖文學獎全國徵文比賽古典文學類第三名。

陸沈後集

和友人落花詩¹

為尋芳信奮披荊，不信寒花不向榮。動地歌吟皆墨面，漫天風雨入玄英。
飛香冷趁汗泥濕，傾國待成春日明。極目層陰愁慘澹，獨題長句記深情。

忍見故園繁棘荊，綠章急奏乞敷榮²。銜哀兀兀迴春夢，煎淚茫茫負落英。
壞劫沈冤益慷慨，爛柯殘局未分明。樓臺夢後風煙亂，獨對滄波一愴情。

恩澤句芒只及荊，肯將春色上丹榮。幾番衰草聞蛩語，依舊殘陽送落英。
寒鵲遶枝巢痛失³，鷓鴣啼處路難明。其亡花國疑槐夢，竟為臨風一動情。

名花傾國委榛荊，便有春風無力榮。腐草搖搖依玉砌，東籬的的盛金英。
孤身歷劫魂九逝，一夢經冬心獨明。息壤人間何處問，天閭泣叩苦陳情⁴。

豈有鷓鴣巢棘荊⁵，空餘猿鶴共枯榮。海群飛矣無層嶂，陸正沈乎況落英！
羈客休從身外論，涼蟾偏向亂中明。狂花百萬都含恨，一擲乾坤寫壯情！

自由⁶

自由何所用？思想能飯否？獨立乃諱言，學術派防右。聖朝心獨苦，是瞻馬列首。
唯彼大學生，資本作走狗。盍念聖朝恩，所遇良獨厚。乃群集高歌，居然學誰某。
某也近自殘，寵愛落人後。萬惡美利堅，乘虛露凶醜。苟非我謙讓，爾汝早摧朽。
諸生誠佳兒，千金毋受誘。亮劍豈空言，適時留一手。定將賊驅逐，又將版圖偶。
盛世逢強國，諸生應抖擻。時念聖朝恩，慎勿自罰酒。

癘疫

惟慶豐七年，庚子歲正月。惶惶李相國，匆匆辭帝闕。臨危乃受命，癘疫正齟齬。
庶黎深水火，初自武漢發。聖朝天所眷，豈真事倉卒。造謠者八人，先逮後與罰。

¹ 為香港時事而發，時一零八年十月也。

² 美國《香港人權與民主法案》。

³ 大陸新移民名額每日一百五十個。

⁴ 中文大學女學生向校長哭訴多名被捕示威者曾被港警性侵，校長不之顧也。

⁵ 高官子女多有外國國籍。

⁶ 復旦大學新章程刪除「思想自由」、「學術獨立」、「師生治學、民主管理」等表述，強調堅持由黨領導。

寧知紙包火，蔓延以倏忽。科研或洩漏，病毒藏一窟。萬惡美利堅，傳謠欲我蹶。蝙蝠果子狸，巨鱗兼獠狻。泱泱大中國，飲食五味醇。偶然失事耳，人民稍艱脆。天終憐吾黨，只今千人歿。憶昔千萬人，枉死亦天扒。更傳新藥物，能令癘疫歇。專利已搶先，及後漫標揭。苟非聖主恩，彼國早淪沒。寄語造謠者，勿使興征伐。

即事

八表同昏思不禁，圍城風雨釀寒深。大難來日知非遠，袖手神州待陸沉！

登山

策杖登臨意絕埃，青山無恙即蓬萊。路迂石碎步彌健，雨盡春寒花倦開。滿眼乾坤供赤疫，百年海嶠有餘哀。乘風吾欲翛然去，忍向行人話劫灰。

痛哭

痛哭諸生絕命辭⁷，吾詩可廢已慚為。飲冰無補腸終熱，對客清談語亦危。數月敢忘猶罵賊，積愆能寫豈勝碑。更恨預知來日劫，惡政新頒賂虎羆⁸。

《薇龕存稿》跋

歲在戊戌，余喜獲鄧秋門所著小雅樓集，讀之，乃薇龕何叔惠先生重刊者也。攷秋門於百廿年前謝世，後六十年，先生得其遺集，重刊以廣流布，又後六十年，余乃得而讀之。嗚呼！此豈非夙因也耶？

先生嘗言，詩人一生心血，萃於一集，苟能傳諸後世，則詩人亦可以不死矣。此蓋先生重刊小雅樓集之深衷也。以是觀之，則先生亦冀後之人能續其不死者也。賦也不敏，雖無緣得見先生，然於先生詩則所篤嗜，恆置其集於榻旁，睡前取讀，如聞見其聲容，更覺親切，苟非夙因有以致之，能如是乎？吾不之信也，故必有述焉。

先生門第，粵港之間，稍涉文學者自當有聞。大伯父進士，二伯父翰林，先君茂才，人稱「何家三鳳」者是也。茂才公與黃晦聞、鄧秋枚、秋門兄弟皆一時同學，從簡岸簡竹居先生遊，簡先生則與康南海同學於九江朱稚圭次琦先生，蓋醇儒也。先生學問淵源有自，又能守青氈以傳道解惑，故聲名大。

夫中心伊鬱，徘徊不能已而發為文章，故蘭成之去國，屈子之哀郢，老懷悽愴，淚眼欲枯，豈與世之但圖詩名，而欣欣汲汲於風月者哉！其慮患遠、悲哀深，其人可思可敬，故其詩不死，吾於薇龕先生見之矣。

或曰為詩固當植根涵泳於古人，非古人之言語不敢道，然則今之詩何以異於古之詩耶？況古人已造其極，今人信難企及，如是則不為可也。吾意不然，今國

⁷ 前線抗爭諸生必先寫遺書，隨身攜帶。

⁸ 港警新預算為二百五十八億港元，較利比亞軍費之二百三十四億元尤高。其中以七千五百萬購置六輛裝甲車，催淚彈等儲備預算則三倍於前，港警個人津貼達八萬五千元，又來年新聘二千五百名警員。嗟乎！來日浩劫，可以前知矣！豈不痛哉！

既易幟，美新者屢出，貨殖則群鶩趨之，棄仁義如敝帚，先生當益鬱戚決眦於泉下，故先生之詩不可不為亦不可無也，不然，則文章之脈斷也小，正義之不存也大，況先生之詩之文所以載道者哉！

先生詩初學義山，後專宗王介甫，介甫亦為唐音者，故先生之詩，嚴於修辭，語腴意贍，意境幽微。至若清新可愛，纏綿刻骨，似有取於黃仲則者。益以家國之悲，呵壁問天，金陀莫辨，故偶近元遺山。集中孺慕及與絜廬夫人之作尤多，嘗有句云：「清濁豈關泉水事，出山無改在山時。」所以能存正義、厚人倫者也。

《薇盦存稿》二冊，魯魚甚夥，余既惜而正之，復思擇其尤者而注之，或付剞劂，或抄以示人，俾先生可以不死，而文章正道得以傳焉。